


女科證治準繩

三之一三

Kitasato Memorial Medical Library



妇科證治準繩

三之一

別冊

44


F

7

シ-131

Kitasato Memorial Medical Library

19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50



490.9
JG-3
No.3182
12月4日

痰飲 咳嗽 端滿 吐血 霍亂
翻胃 吐食 血膈 鼻衄 吐血



1469

女科證治準繩卷之三

金壇王肯堂輯 門人新安閔承詔校

雜證門下

痰飲

因婦人風痰者由臟腑風冷水飲停積在於脅膈所成也人皆有痰少者不能為妨多者成患但留膈有痰飲停於胸中則令眼昏亦令頭眩頭痛者藥隱老人評曰夫痰之為害多因外感五邪五邪者寒暑燥濕風也七氣七氣者喜怒憂思驚恐恚也因五邪而得者得風為風痰得寒為寒痰得暑為暑痰因七氣所傷多因婦人

情性執着不能容忍而有此證豈特只因風冷而成哉所以外感五邪內傷七氣則一身之中血液混汗涕唾身中濕者敗濁變而成痰乘間而為害也經云清則運為精華濁則凝為痰飲此之謂也然有痰涎飲沫四種相類宜子細詳辨調治因風而生痰者宜服三生飲卒中風暴厥星香飲雜病中風青州白丸子雜病中風化痰丸雜病痰飲因寒冷而得者宜服降氣湯雜病氣黑錫丹雜病頭痛養正丹頭目眩暉因熱而得者宜服金沸草散雜病頭痛胡半夏湯本條因暑而得者消暑丸雜病傷暑因氣滯不調鬱結而成者宜服參蘇飲雜病發熱四七湯雜病氣二陳

湯雜病痰飲痰在上者以瓜蒂散吐之在下者以控涎丹雜病利之雖曰可吐可下亦要觀人之盛衰察脉之虛實方可投之切記不可猛吐暴下所以初虞世有金虎碧霞之戒也薛前證若肝經恚怒用小柴胡湯傷寒少陽肝經風熱用釣藤散頭目肝腎氣虛用川芎散眼暉脾經鬱結用濟生歸脾湯雜病鬱怒傷肝脾用加味逍遙散謂脾虛痰逆用白术半夏天麻湯雜病脾氣虛弱用六君子益氣湯肺氣鬱滯用二陳痰飲眼暉脾母桔梗陰虧水泛用六味地黃丸腎虛火加雜病虛勞腎虛火不歸源八味丸雜病虛勞仍與前減八味丸雜病虛勞腎虛火不歸源八味丸雜病虛勞

證互相用之。一婦人內熱口乾勞，則頭暉吐痰帶下或用化痰理氣藥，前證益盛，肢體或麻，又用祛風化痰藥，肢體常麻，手足或冷或熱，此脾土不能生肺金也。余用補中益氣湯加茯苓半夏炮薑二十餘劑漸愈。又用加味逍遙散三十餘劑全愈後，因怒吐痰胸痞，或用清氣化痰丸，食少痰甚，胸膈脹滿，肺或浮大或微細，余以六君倍用參术少加木香而康。婦人咳嗽，胸痛或用清肺化痰降火等劑久不愈，更加內熱，嘔熱，若兩脅或小腹內熱，其咳益甚，小便自遺，余曰此屬肝經血虛火動，用六味丸加五味子滋。

腎水以生肝血，用補中益氣，生脾土以滋肺金，而尋愈。

旋覆花湯 治婦人風痰嘔逆不下，飲食頭目昏悶。

旋覆花

枇杷葉

去毛炙

川芎

細辛

去苗

藿香

桂心

枳殼

去瓢，薌炒

前胡

去蘆

人參

去蘆

半夏

置製各半兩

甘草

炙

羚羊角屑

赤茯苓

各半兩

朱錢羌活

去皮

半兩

右㕮咀，每服五錢水一盞半，生薑五片煎至一大盞，滓去，溫服，食遠日進二服。

天南星丸 治婦人風痰心膈壅滯，

天南星 薑製

白附子 炮

皂角仁 炒黃

半夏麪 兩

白礬 枯伍錢

右為細末酒煮麵糊丸如梧子大每服貳拾丸煎生薑薄荷湯送下食後臨卧日進二服

大半夏湯

治痰飲脾胃不和咳嗽嘔吐飲食不下

半夏

白茯苓

生薑 各貳錢

右薑水煎服胃痞加陳皮

四七湯亦善

導痰湯 治痰涎壅盛胸膈痞塞或咳嗽惡心飲食

少思

半夏 貳錢

南星

枳實 麸炒

茯苓

橘紅 壹錢

甘草 伍分

右用薑拾片水煎服

瓜蒂散 療病痰胸膈痞塞頭不痛項不強寸脉微浮胸中痞鞶氣衝喉咽不得息者此為胸中有痰也當吐之宜此法

方見


柴胡半夏湯 治痰熱頭痛利膈除煩悶手足煩熱榮衛不調肢節拘倦身體疼痛嗜卧少力飲食無味兼治五嗽痰癖

柴胡

捌分

半夏 參兩半

人參去蘆



秀齋

甘草

白朮

貳兩

黃芩

麥門冬

各貳

右㕮咀每服伍錢水壹盞半薑伍片棗壹枚煎至
捌分去滓服

咳嗽

大婦人咳嗽者由肌體虛外受於寒熱風濕所得也
肺為四臟之華蓋內統諸臟之氣外合於皮毛若為
寒熱風濕所傷邪氣自皮毛而入於肺中外皆傷故
令咳也大抵治咳不可一槩治當以脉息辨之其脉
浮而弦者起於風濁而弱者起於濕洪而數者起於
熱壅而澁者起於寒風者散之濕者燥之熱者涼之
寒者溫之虛者補之未有不安者也 薛丹溪云春
是木氣上升夏是火氣炎上秋是濕熱傷肺冬是風
寒外來當發散行痰開腠理用二陳湯加麻黃桔梗

杏仁痰飲隨證加藥勞嗽宜四物加竹瀝薑汁乾咳嗽難治此證乃痰鬱火邪也用苦梗開之夏用補陰降火不已則成勞上半身多嗽者胃火也用貝母石膏午後嗽者陰虛也用四物加炒黑黃芩知母黃芩嗽者火氣浮於肺也用五味子五倍子五更嗽者飲食之火流於肺也以貝母軟石膏肺脹而嗽或左或右不得眠此痰挾瘀血氣滯而病宜養血疏肝清痰用四物加桃仁調子青皮竹瀝之類嗽而脇下痛宜疏肝氣以青皮挾痰實者白芥子之類血凝氣作嗽者桃仁大黃薑汁丸服治嗽多用生薑以其辛散故

也痰因火動逆上作嗽者先治火次治痰以知母止嗽清肺滋陰降火夜嗽用清陰分之劑若嗽多用粟殼不必疑但要去病根此乃收後藥也竊謂前證午前嗽屬胃火盛用竹葉石膏湯陽寒瘥胃氣虛用補中益氣雜病陽加炒山梔午後嗽屬陰血虛用四物黃芩知母貳味酒拌炒點腎水虛用六味地黃丸雜病虛勞黃芩嗽用四物五味麥門冬前丸五更嗽用六君子雜病虛勞黃芩不得眠及兩脇下痛用六味地黃補中益氣若因心火太過當伐肝木而滋肺金若肺金氣虛當補脾土亥嗽

而生肺氣若因腎水虧損虛火炎上當補肺腎以滋化源太抵風邪胃火此實熱為患易治惟肺腎虧損此真臟為患最難調治一婦人素勤苦冬初咳嗽發熱吐血盜汗通身作痛或寒熱往來用化痰降火之藥口噤筋攣此血本虛而藥復損之耳余用八味丸雜病虛勞為主佐以補中益氣麥門五味山藥年餘而愈一婦人咳嗽發熱嘔吐痰涎日夜約五六碗喘咳胸痞燥渴不食崩血如涌此脾土虛寒用八味丸及附子理中湯雜病中寒而愈一婦人不得於姑患嗽胸膈不利飲食無味此腎肺俱傷痰鬱於中也先用

歸脾湯雜病健忘加山梔子貝母桔梗諸證漸愈後以六君加芎歸桔梗間服全愈一婦人咳嗽早間吐痰甚多夜間喘急不寐余謂早間多痰乃肺虛飲食所化夜間喘急乃肺虛陰火上衝用補中益氣加麥門五味而愈一婦人患咳嗽腹痛發熱日晡益甚余曰此肝脾虛熱而傷肺也用加味逍遙散謂加熟地黃治之而愈後因怒氣勞役前證仍作兼太陽痛仍用前散及地黃丸而瘥一婦人久咳嗽面色痿黃或時㿠白肢體倦怠飲食少思稍多則瀉此脾土

虛而不能生肺。金朝用補中益氣湯。又用六君子湯爲主。間佐以八珍湯。雜病虛勞三月餘漸愈。後感寒邪。喘嗽胸膈作脹。飲食不入。四肢逆冷。此中氣尚虛。不能充皮毛。肥腠理。司開闔之所致也。遂用六君子加生薑桔梗而愈。

初虞世曰。經曰微寒爲嗽。寒甚爲腸癖。古人立方治嗽。未有不本於溫藥。加乾薑桂心細辛之屬。以寒氣入裏。非辛甘不能發散。以此集之。夫有不因寒而嗽也。又曰。熱在上焦。因嗽爲肺痿。又實則爲肺癰。虛則爲肺痿。此人其始或血不足。或酒色滋味太過。或

服利藥重。津液燥氣內焚。肺金受邪。脉數發熱。咳嗽。膿血病。至於此亦已危矣。古人立方亦用溫藥。如建中之屬。今人但見寒熱咳嗽。率用柴胡鼈甲。門冬。葶苈等藥。旋踵受弊。而不知非可爲深戒。就使不可進以溫藥。亦須妙以湯丸。委曲調治。無爲鹵莽。致傷人命。醒丹溪云。陰分嗽者多屬陰虛。肺脹不得眠者難治。肺痿專主補氣養血。清金肺氣。有餘者宜瀉之。以桑白皮爲主。半夏。茯苓。佐之瀉其有餘。補其不足。肺燥者當潤之屬。熟者大力子。桔梗知母。雞子清。聲啞者屬寒也。細辛半夏生薑。肺虛者人參阿膠爲

主陰不足者六味地黃爲要藥或知母茯苓湯
陰虛氣喘四物加陳皮甘草以降其氣補其陰竊謂
前證嗽而鼻塞聲重風邪傷肺也用參蘇飲雜病發熱面
赤喘嗽火犯肺也人參平肺散雜病寒熱交作肝氣
不和也四君加知母柴胡桔梗咳喘短氣肺虛也人
參補肺湯喘滿體倦少食脾虛也參术補脾湯本口乾
咽喉干燥虛火上炎也六味丸大凡發熱喘嗽或咳唾腥
血飲食不入急補肺腎滋腎水多有得生者脉浮大
而面色赤者皆難治脉浮短濶者可療
經曰感於寒微則爲咳甚則爲泄蓋肺主氣合於皮

色邪傷皮毛則咳爲肺病傳於各臟以時受邪肺爲
嫩臟邪易傷而難治其嗽有肺心脾腎肝風寒支飲
膽之十種亦有勞嗽者華佗謂之邪嗽孫真人謂之
溼嗽此因酒色過度勞傷肺經重者咯唾膿血輕者
時發時瘥或先嘔血而後嗽或先咳嗽而吐血此又
挾邪傳疰孫真人用通氣丸夢與鬼交用四滿丸蛤
蚧天靈蓋桃柳枝安息香之類若肺中有蟲入喉痒
嗽須以藥食化其蟲卽死嗽即止薛仲景先生云
咳而兩脇痛不能轉側兩胠滿屬於肝臟用小柴胡
湯咳而嘔苦水屬膽腑黃芩半夏生薑湯咳而喉中

如梗狀甚則咽腫喉閉屬心臟桔梗湯咳而大便失氣屬小腸腑芍藥甘草湯咳而右胠痛陰引肩背甚則不可動動則咳嗽屬脾臟升麻湯咳而嘔嘔甚則出長蟲屬胃腑烏梅丸咳而喘息有聲甚則垂血屬肺臟升麻湯咳而失尿屬大腸腑麻黃附子細辛湯咳而遺溺屬膀胱茯苓半夏湯咳而不止三焦受之其狀腹滿不食涕唾面目浮腫氣逆異功散用之對證其効如神一婦人患前證晡熱內熱寒熱往來作渴盜汗小便頻數其經兩三月一行此肝脾氣血虛損用八珍湯六味丸六十餘劑諸證漸愈其經行

月一行仍用前二藥間以加味逍遙散各三十餘劑後恚怒適經行去血過多諸證悉至飲食少思腹脹氣促用十全大補湯數劑漸愈仍用前藥調補漸安復因喪子胸腹不利食少內熱盜汗便血無寐用加味歸脾湯仍兼前藥而愈一婦人患前證不時發熱或時寒熱或用清熱之劑其熱益甚盜汗口乾兩足如炙遍身皆熱昏憒如醉良久熱止方甦或晡熱至旦方止此陰血虛而陽氣弱也余朝用六味丸料久用十全大補湯月餘諸證稍愈更兼以補中益氣湯兩月餘而愈

黃芪散

治虛中有熱咳嗽，膿血口苦咽乾。

黃芪

肆兩

甘草

貳兩

右爲細末湯點壹貳錢服。日三服。一方甘草壹兩黃芪六兩名。黃芪六一湯。只㕮咀水煎服。

蛤蚧丸

治婦人咳嗽不止漸成勞氣。

蛤蚧

壹對酥炙

紫苑

款冬花

鼈甲

灸

貝母

去心

皂角子仁

炒各壹兩

右爲細末。煉蜜丸如梧桐子大。每服貳拾丸。淡薑湯吞下。

含化丸

昔有婦人患肺熱久嗽。身如炙。肌瘦將成

肺勞服此安。

冠宗奭方

枇杷葉

去毛

桑白皮

款冬花

木通

減半

大黃

減半

石爲細末。煉蜜丸如櫻桃大。食後夜卧含化。壹丸。

貝母湯

事本

治諸嗽久不瘥。

貝母

生薑汁浸半日

北五味子

黃芩

桑白皮

桂心

北柴胡

各半兩

乾薑

熟者半

陳皮

各壹兩

半夏

木香

甘草

各貳錢半

右爲粗末每服五錢水壹盞半杏仁七枚去皮尖
碎之生薑貳片煎半分去滓熱服。黃師文云戊
申冬有姓蔣者其妻積年嗽製此方授之一投而
瘥以此治諸嗽悉皆愈。

定喘湯 治丈夫婦人遠年近日肺氣咳嗽上氣喘
急喉中涎聲胸滿氣逆坐卧不安飲食不下及治
肺感寒邪咳嗽聲重語音不出鼻塞頭昏並皆治
之。

半夏麵炒

阿膠炒

甘艸

各錢半

鶯粟殼製

半兩

北五味子

桑白皮

麻黃

去節

人參

各貳錢半

右咬咀每服參大錢薑叁片烏梅半箇水壹盞半
煎至七分去滓漸漸溫服食後臨卧日二服方同和劑

分兩加減

不同有效

補肺湯

治證同前滄州李官人宅

鶯粟殼貳兩

人參

粉艸

各半兩

陳皮

茯苓

杏仁

製

白朮

明阿膠

炒

北五味子

桑白皮

薏苡仁

紫蘇葉

各壹兩

右咬咀爲末，每服參太錢水盞半薑參片棗貳枚
烏梅半箇煎至壹盞臨卧溫服。更加百合貝母
心去半夏麴欵冬花各壹錢，
金不換散。治男子女人肺胃虛寒久嗽不已，喘促
滿悶咳嗽涎盛，腹脇脹滿，腰背倦痛，或虛勞冷嗽
睡紅痰，及遠年近日一切喘嗽諸藥不効者並治
乏。

鷺粟殼

半兩製

杏仁

製

甘草

各叁錢

枳殼

肆錢

右咬咀每服參錢水壹盞半薑參片烏梅半箇煎

至八分食後臨卧漸漸熱服。
許光林先生方乙卯年七月嘗治一婦人咳嗽
不已，服諸藥無効，漸成癆瘵。求予診之，六脈濡弱
以愚考之，此是血弱又因憂感太過而成斯疾。合
用當歸等藥治之，必愈。遂先用古今錄驗橘皮湯，
空心服蘇子降氣湯，徐用金鉉煎熟地黃丸，當歸
丸，調理得安。又治一婦人時行感熱咳嗽，遂用
小柴胡湯，去人參薑棗，只加北五味子煎服，愈。
古今錄驗橘皮湯，療春冬傷寒、秋夏冷濕咳嗽，喉
中作聲，上氣不得下，頭痛方。

陳橘皮

紫苑

麻黃去根

杏仁製

當歸

桂心

甘草

黃芩各等分

右㕮咀每服五錢水盞半煎至壹盞去滓熱服
深師四滿丸 治上氣嗽飲嗽燥嗽冷嗽邪嗽謂之

五嗽

乾薑炮

桂心

躄躅花

芋窮

紫苑各貳兩

茺花根皮伍錢

蜈蚣壹條去頭足炙

細辛

甘草炙

鬼督郵

人參

半夏湯洗各壹兩

右爲末煉蜜丸大豆許每服五丸米飲下日三服
未應加至七八丸

團魚丸

治骨蒸勞嗽累効

貝母

前胡

知母

杏仁

柴胡各等分

生團魚貳箇

右藥與魚同煮熟取肉連汁食之將藥焙乾爲末
用骨更煮汁壹盞和藥丸梧子大每服貳拾丸煎

黃芪六一湯空心送下病既安仍服黃芪六十湯

調理

參木調中湯 灌熟補氣止嗽定喘和脾胃進飲食

黃芪 肆分

桑白皮 伍分

人參

炙甘草

青皮

白茯苓 各參

五味子 分

白术 參分

地骨皮

麥門冬

陳皮 各伍分

右水煎服

鴉化丸

自製方

清肺止嗽定喘化痰

薄荷葉 肆兩

桑白皮

天門冬 去心

麥門冬 去心

知母 去皮毛

百部

貝母 去心

柿霜 各貳兩

枇杷葉 去毛蜜炙

阿膠

橘紅

紫苑

款冬花 各壹兩半

葛蘇仁 去油

葛蘇皮瓢

黃芩

杏仁 炒去皮尖油取淨霜

白茯苓

玄明粉

鉛白霜

桔梗 各壹兩

旋復花 硼砂 伍錢

馬兜鈴 水片 壹錢非真者勿用

五味子 各柒錢半

冰糖

去皮尖油取淨霜

右爲極細末，梨膏爲丸，如無梨膏，則以白蜜竹瀝

梨汁熬至滴水不散爲度。丸如龍眼大，噙化一丸。

參芪補脾湯 治肺證因脾氣虛弱，咳唾，膿涎中滿

不食，宜兼服此藥，以補脾土，生肺金。

人參

白术

各貳錢 黃芪 錢半

咳嗽

妇科三

茯苓

當歸

陳皮

升麻

參分

五味子

肆分

炙甘草

伍分

右薑水煎服

喘滿

岐伯曰夜行則喘出於腎淫氣病肺有所墮恐喘出於肝淫氣害肺有所驚恐喘出於肺淫氣傷心度水跌仆喘出於腎與骨當是之時勇者氣行則已怯者則著而為病也原疾之由皆本於肺與氣然感外邪則有太陽證脈浮無汗而喘者宜麻黃湯陽明病汗出不惡寒腹滿而喘有潮熱者宜承氣湯若表邪未解誤服下利藥利遂不止脉促喘而汗出者宜葛根黃芩黃連湯若微喘者桂枝厚朴杏子湯汗出而喘若無太熱者宜麻黃杏子甘草石膏湯若表邪未解

心下停水發熱而喘或嘔者小青龍湯去麻黃加杏仁主之若陰證喘促者四肢逆冷脉息沉細或寸尺小或太脉促疾或心下脹滿結鞭若冷汗自出或大便頻數上氣喘促或咽喉不利者此是本氣極虛內外挾寒冷所致使陰寒內消陽氣得復則愈宜返陰丹主之見傷寒諸方並
七上諸方並雜病若暴寒向火覆衣被過當傷熱肺實而喘促者子散本條如感寒伏熱而喘者以華蓋散雜病九寶湯端若喘多有熱證宜洗心散雜病冷水調服若因氣不調痰盛喘促者宜四七湯雜病兼官局桔梗湯雜病

瘧藥煎服若涎多而喘者宜千繕湯雜病橘皮半夏湯本條若不得卧即喘者此由水氣逆行上乘於肺肺得之則浮而開使氣不得通流其脉沉大宜神秘湯雜病肺之積名曰息贲在右脇下大如杯令人洒漸寒熱喘咳發癰疽宜棗膏丸本條若上氣喘者神授湯本條若上盛下弱而喘促者宜蘇子降氣湯雜病吞黑錫丹雜病若尊年之人素來稟賦太厚不任熱藥者不可輕投丹劑及諸熱藥但以秘傳降氣湯分心氣飲俱雜病氣論之梗槩不出於此矣若素有脚氣而喘者當作脚氣治之又有骨蒸勞喘自有專門不敢謬

及

薛東垣

云肺金受邪由脾胃虛弱不能生肺乃

所生受病故咳嗽氣短氣上皮毛不能禦寒精神少而渴情慘不樂皆陽氣不足陰氣有餘也治法若肺氣虛弱用四君子雜病虛勞加枳殼半夏脾虛不能生肺補中益氣湯雜病虛勞七情氣結四七湯雜病氣虛勞倦歸脾湯雜病健忘脾氣虛弱人參補肺散肺經火盛人參平肺散腎水敗濁六味地黃丸雜病虛勞真陽虛損八味丸虛勞或兼小便不利為害尤速非丸不能救婦人傷風寒作喘或用表散愈而復患仍用前藥其證益甚飲食少思胸腹不利此因脾肺氣虛也予先

用六君子湯加桔梗漸愈又用補中益氣湯而痊一婦人患前證屬命門火虛不能生脾土用補中益氣湯八味地黃丸而痊後復患其喘益甚用前藥不應遂用黑錫丹一服喘止仍用前二藥而諸證痊凡屬邪氣有餘者其證易識治効亦速其屬元氣不足不變證不一効非可以旦夕期也

杏子散 治諸臟相乘喘急

杏仁

去皮尖雙仁炒黃細研如膏

麻黃根為細末等分

右和勻煎橘皮湯調下貳錢無時

橘皮半夏湯和劑 治肺胃虛弱好冷酸冷寒痰停積

嘔逆惡心涎唾稠黏或積吐粥藥不下手足逆冷
目眩身重又治傷寒時氣欲吐不吐欲嘔不嘔昏
憤悶亂或飲酒過多中寒停飲喉中涎聲乾噦不
止

陳皮去白

半夏

各半兩

右剉為麩散每服參錢生薑參片水貳盞煎至壹
中盞去滓溫服不計時留兩服滓併一服再煎服
棗膏丸 治息責在右脇下大如杯令人灑淅寒熱

喘咳

甜葶藶炒研

陳皮

苦梗各等

右爲末煮棗肉丸桐子大每服數丸白湯下許學
士云余常停飲水積食已必嘔漸喘覺肺系急服
此良驗

神授湯 治上氣喘急不得卧

橘紅

苦梗

紫蘇

人參各壹錢

五味子

杵炒

參分

右薑水煎服

治婦人喘促虛腫快利小便即瘥

天用生薑貳兩取汁白麵丸兩以薑汁搜作小劑共
半夏拾箇打研入麵中作餅炙熟作黃色爲末溫

培養

卷三

七

熟水調下壹錢以小便通利為度。

天門冬丸

楊氏家傳

治婦人喘乎足煩熱骨蒸寢汗曰

乾引飲面白浮腫

天門冬

拾兩去心秤

麥門冬

去心捌兩

生地黃

參斤取升熬膏

右三味爲末入地黃膏和丸如梧桐子大每服五十丸逍遙散中去甘草加人參煎湯送下或服王氏博濟方中人參荆芥散亦可如面腫不已經曰面腫曰風故宜汗麻黃桂枝可發其汗後服柴胡飲子去太黃故論曰治臟者治其俞治腑者治其合浮腫治其經治俞者治其土也治合者亦治其

土也如兵家圍魏救趙之法也

人參補肺湯 治肺腫腎水不足虛火上炎咳嗽

血發熱作渴小便不調

人參

黃芪炒

白朮

當歸

各壹錢

陳皮

五味子

杵

山茱萸

去核

山藥

各貳錢

麥門冬

去心

甘草

炙各

熟地黃

自製壹錢伍分

牡丹皮

壹錢

右薑水煎服

人參平肺散 治心火剋肺金惠肺痿咳嗽喘嘔痰

喘滿 涎壅盛胸膈痞滿咽喉不利

人參

青皮

茯苓

天門冬

陳皮

地骨皮

各壹錢

甘草

炙伍分

知母

柒分

五味子

拾粒

右薑水煎服

嘔吐

大天婦人嘔吐者由脾胃有邪冷穀氣不理所爲也
胃爲水穀之海其氣不調而有風冷乘之冷搏於胃
胃氣逆則令嘔吐也 夫嘔吐之疾非特脾胃虛冷
而嘔吐也亦有胃熱而嘔者亦有胃中冷胃口熱而
吐者亦有痰盛而嘔者亦有血弱而嘔者經云無陰
則嘔是也不可以一槩用藥如胃冷而嘔吐宜用局
方人參丁香散理中丸及許仁則半夏丸人參七味
丸如胃熱而嘔吐者宜用小柴胡湯蘆根湯竹茹湯
槐花散如胃中冷胃口熱而嘔吐者宜用局方藿香

正氣散生薑棗子煎沉冷服卽止如痰盛嘔吐者宜
局方半夏湯茯苓湯二陳湯如惡阻兼用茯苓丸自
有專門如血不歸源而嘔吐者用十全太補雜病虛勞加
陳皮半夏藿香薑棗煎服或有脚氣而嘔者自有專
門不濫及薛東垣先生云前證內有故寒與新穀
俱入於胃新故真邪相攻氣併相逆復出於胃故爲
噫補手太陰瀉足少陰又云胃因氣逆爲噫夫嘔吐
噫者俱屬於胃以其氣血多少爲異耳如嘔者陽明
也陽明多血多氣故有聲有物血氣俱病也仲景云
嘔多雖有陽明證慎不可下孫真人云嘔家多服生

薑爲嘔家之聖藥也氣逆者必散之故以生薑爲主
吐者太陽也太陽多血少氣故有物無聲爲血病也
有食入則吐以橘皮去白主之噫者少陽也多氣少
血故有聲無物乃氣病也以薑製半夏爲主若脾胃
虛弱寒邪所客飲食所傷者用六君子香藿香生薑
之類若胃中有熱鬲上有痰用二陳山梔黃連生薑
若久病脾胃虛而不能納穀者用生薑參术黃芪香附
之類亦有痰膈中焦食不得下者有氣逆而嘔者有
氣鬱於胃口者有食滯於心肺之分而復出者有胃
口有火與痰而嘔者若注船大吐渴飲水者卽死童

便飲之最妙前論云血不歸源而嘔用十全大補湯誠發前人之未發愚常用屢効此論與王安道涼洞集所論少異宜參看

之先太宜人飲食後聞外言忤意嘔吐酸水內熱作渴惟飲冷水氣口脉大而無倫面色青赤此肝脾鬱火投之以藥入口卽吐第二日吐宿食第七日吐酸黃水十日吐苦水脉亦洪大仍喜飲冷共以黃連煎湯冷飲少許至二十日加白朮茯苓二十日加陳皮二十七日加當歸炙草至六十日始進米飲半盞漸進薄粥調理得痊府庠沈姬文母患脾虛中滿痰嗽發熱又食濕麵冷茶吞酸嘔吐絕食誤服芩

連青皮等藥益加寒熱口乾流涎不收聞食則嘔數日矣迎治余曰脾主涎此脾虛不能約制也欲用入參安胃散惑於衆論以爲胃經實火宿食治之病日增劇忽思冬瓜食如指甲一塊頓發嘔吐酸水不止仍服前藥愈劇復邀視之則神脫脉絕瀕死矣惟目睛尚動余曰寒淫於內治以辛熱然藥不能下矣急用鹽艾附子炒熟熨臍腹以散寒回陽又以口氣補接母口之氣又以附子作餅熟貼臍間時許神氣少甦以參朮附子爲末仍以是藥加陳皮煎膏爲丸如粟米大入五七粒于口隨津液蘸下卽不嘔二十日後

加至十粒，諸病少退。甘涎不止，五日後漸服前劑一二匙，胃氣少復，乃思粥飲後投以參术等藥溫補脾胃，五十餘劑而愈。
孫一婦人三十五歲無子，恐夫娶妾致齎經不行者三月矣。病腹痛惡心，諸醫皆云有孕，其夫亦粗知醫，舉家欣喜。治以安胎行氣止痛之藥，服三五十貼不效。痛苦益甚。凡未申時發寒與腹中有塊如彈子大者二三十枚，翻騰作痛，行動則水聲漉漉，痛極則吐酸水五六碗，吐盡則塊息而寒熱除痛，亦不作。明日亦然。又作癟，治轉劇。召予診，左手弦尺濶，右手濡弱重取，則滑尺同左。時經已五日。

不行矣。予曰：此齎病也，豈有濶脉成孕之理？若然，則前藥當効矣。其夫亦悟，乃爲製方，以一陳加香附、山梔、撫芎、玄胡、當歸、紅花之類藥進，而痛止。連與四貼，皆効。但藥止，則痛發。如故調治一月，不能除根。予因持脉案見先師黃古潭先生先生乃諭予曰：此齎火病也。其病起於肝膽，蓋肝主謀慮，膽主決斷，謀不決，則鬱生；鬱生則木盛。木盛則凌脾，脾傷則不能運化，精微而生氣血，以故月水不來也。肺金失於母養，則降殺之令不行，木寡干畏，而侮所不勝是以直衝犯清道，以作吐也。吐後諸證皆減者，木升而火息也。爲

哉。一方以黃芪五錢柴胡參錢白芍藥貳錢甘草壹錢陳皮貝母枳實各五分薑叁片一劑而寒熱除再劑而痛減吐止水聲亦絕七日不發其夫喜曰是何神速也乃拉予復請命于先生先生曰夫寒熱者少陽膽也吐酸者厥陰肝也痛而腹塊翻騰者火盛激動其水如鍋中湯滾泡浪沸騰是也吐多則肺金愈傷故用黃芪補肺金爲君使得以制肝木以柴胡瀉肝爲臣以升發其膽火經曰木鬱則達之達是通達之義夫木性上升者也既鬱則不升故用柴胡升發膽肝之清氣使衝開其鬱結以復其常又曰過者抑

以其畏也所謂瀉之補肺制肝正謂此也又曰泄其肝者緩其中以甘草緩中爲佐又曰木位之主其瀉以酸以白芍藥于脾中瀉木爲臣病久生鬱鬱久則生涎以貝母陳皮枳實開鬱逐涎爲裨使然後金得其正木得其平土得其安由是病去而愈速前方用山梔黃連之類皆降下之藥火勢正熾豈區區寒涼所能抑哉故經曰輕者正治重則從其性而升之但凡治病要當識得此意

益智子散 治婦人脾胃久虛氣弱多欲嘔吐全不下食四肢無力

益智

壹兩

附子

炮

縮砂仁

丁香

厚朴

黃芪

白术

白茯苓

陳皮

川芎

良薑

藿香葉

當歸

各半錢半

人參

桂心

各半兩

右咬咀每服參錢薑參片棗壹枚水壹盞煎至七分去滓無時溫服

丁香散 治婦人臟腑虛冷脾胃氣弱食則嘔吐水穀不消

丁香

白术

縮砂仁

草果仁

橘皮

各半錢

當歸

白豆蔻

藿香葉

神麴

荊子皮

甘草

各半兩

人參

壹兩

右為細末每服貳參錢煎薑棗湯調下

竹茹湯 治胃熱嘔吐

乾葛

參兩

半夏

湯況米大薑汁半盞漿水壹升煮耗一半取半錢半

良姜

半錢半

右咬咀每服五錢水貳盞薑參片竹茹鷄彈大棗子壹枚煎至壹盞去滓溫服 許學士云胃熱者手足心熱政和中一宗人病傷寒得汗身涼數日

後忽嘔吐藥與飲食俱不下醫者皆用了香薷香
滑石等藥下咽卽吐示曰此正汙後飲熟留胃院
孫兆竹茹湯正相當爾亟治藥與之卽時愈

良方槐花散

皂莢

白礬

槐花

炒令黃色

甘草各等分

右爲細末白湯調下貳錢
許仁則半夏丸 療積冷在胃嘔逆不下食方

半夏壹升真熊州者洗去滑

小麥麵

壹升

右擣半夏爲散以水搜麵丸如彈子大以水煮入

五丸旋煮旋服此覺病減欲更合服亦佳忌羊肉
餚フ

又依前半夏丸雖覺漸損然病根不除欲多合前丸，
又慮藥毒不可久服欲不服又恐病滋蔓宜合人
參七味丸服之

人參七味丸

人參

白朮各伍兩

厚朴炙

細辛各肆兩

生薑捌兩

橘皮叁兩

桂心貳兩

人參

白朮

各伍兩

厚朴

炙

細辛

各肆兩

生薑

捌兩

橘皮

叁兩

桂心

貳兩

右為細末，煉蜜丸如梧桐子大，飲下拾丸漸加至貳拾丸，與半夏丸間服亦可。忌桃李雀肉、生葱生菜。

補遺治男子婦人一切嘔吐，五苓散內除桂加半夏，未如桂分兩，每服壹錢以生薑自然汁調搜和，如麵候半時久，再以白沸湯一小盞調開溫服。五苓散方見傷寒論繩渴門

青金丹 治一切嘔吐不已。

硫黃

貳錢

水銀

壹錢

入銚內慢火熬化以木篦子撥炒成砂，再入乳鉢

研黑不見星，以薑汁糊丸如菉豆大，每服貳參丸，米飲下。
人參安胃散 治脾胃虛熱嘔吐泄瀉或飲食不入
人參

壹錢

黃芪

炒貳錢

生甘草

炙甘草

各伍分

白芍藥

柒分

白茯苓

肆分


陳皮

叁分

黃連

炒貳分

右水煎服。



霍亂

大嘔吐而利者名霍亂也原疾之由皆因腸胃虛冷飲食過度觸冒風冷使陰陽不和清濁相干致令揮霍變亂也或先心痛而吐者或先腹痛而利者或吐利俱作者或頭痛身體壯熱而脉浮洪者或陽氣暴絕而手足逆冷而脉息微絕者治之當分陰陽察其虛實辨其冷熱觀其脉息熟者涼之冷者溫之以平爲期百問云凡霍亂吐利熱多而渴者五苓散寒多不飲水者理中丸吐利已汗出而厥四肢拘急不解脉微欲絕者通脈四逆加豬膽汁湯夏月間中暑霍亂

亂大煩渴四肢逆冷。冷汗出脚轉筋者。香薷散濃煎沉冷服卽効。凡霍亂之脉得浮洪者易治。微遲者并短氣者難治。薛賈元良先生云暑者相火行令也。夏月人感之自口齒而入傷心胞絡之經。其證頭疼口乾面垢。自汗倦怠少氣。或昔寒惡熱甚者。迷悶不省。或霍亂吐利嘔啖腹痛。或下血發黃生癥等。證治法清心火利小便爲主。若自汗熱甚。用白虎湯。若頭疼惡寒。用十味香薷散。泄瀉煩渴飲水吐逆。用五苓散。熱甚煩渴。用益元散。清之若表解。裏熱甚者。用黃連解毒湯。肌微下利作渴。喜溫。或厥冷。不省人事。宜竹葉石膏湯加熟附半枚。

今飲次以來復丹五苓散治之。故東垣云。脾胃虛弱遇夏月淫雨。身重短氣甚。則四肢痿軟。脚欹眼黑。當滋肺氣以補水之源。是以五月常服五味子。人參麥門冬之劑。爲熱傷元氣。故爾丹溪所謂夏月伏陰在內也。蓋人之腹屬地。已月六陽盡出於地之上矣。是人之陽氣亦浮于肌表。散于皮毛。而腹中之陽虛矣。又加以涼臺水館。太扇風車。寒泉水果冰涼之物。自內及外。不用溫熱病所由生。陳無擇云。凡中暘切不得用。冷藥惟用溫養得令。卽死道途無湯。卽以熱土熨臍中。涓以熱尿。卽甦槩可見矣。內經曰。脈虛身熱。

得之傷暑難經曰傷暑得之爲正邪火自病也當惡臭其病身熱而煩心痛其脉浮大而散傷寒論曰太陽中暎者身熱頭痛而脉微弱或發熱惡寒而脉弦細芤遲太抵寒傷形熱傷氣蓋傷氣而不傷形則氣消而脉虛弱故先哲立法夏月宜補良有以也前證若內有所積外有所感用一陳湯加減治之或蘿蔔子搗碎服而吐之若飲米湯卽死至云同前論若轉筋不住男子以手挽陰女子以手牽乳近兩邊此千金妙法也乾霍亂不得升降亥在須臾當以鹽湯吐之後以二陳湯加川芎蒼朮防風白芷薑煎服若登

聞而不通加枳殼若食瓜果飲冷乘風霍亂用六和湯倍加藿香大凡中暑而亡者皆因元氣虛弱暑熱乘之以致泄瀉陽氣暴脫實爲陰寒之證宜急補其陽庶得保生緩則不救其他執爲暑熱投以寒藥鮮不誤事愚故以回陽固本之方繼之於後加減理中丸主霍亂臨時方亦可治男子

人參

白朮

乾薑

甘草各壹兩

右爲細末煉蜜爲丸每兩作五丸取湯和壹丸服之日參服吐多利少者取枳實參枚炙去穰四

破水參升煮取壹升和壹丸服之。吐少利多者加乾薑壹兩。吐利乾嘔者取半夏半兩泡洗去滑水貳升煮取壹升和壹丸服。若體疼痛不可堪者取棗參一枚水貳升煮壹升和壹丸服。若體疼痛不可堪極轉筋者以韭汁洗腹腎從胸至足踝勿逆卽止。若體冷微汗腹中寒取附子壹枚炮去皮四破以水貳升煮取壹升和壹丸服。吐利悉止。脉不出體猶冷者可服諸湯補之。

四順湯

治霍亂吐利腹痛手足逆冷脉微欲絕

附子

壹枚破

乾薑

參兩

人參

甘草

各壹兩

右咬咀水煎服

四逆加豬膽汁湯

治吐已下斷汗出而厥四肢拘急不解脉微欲絕者

甘草

貳兩

乾薑

參兩

附子

壹枚生用

豬膽汁

半合

右三味咬咀每服五錢水參蓋煮至貳盞去滓內豬膽汁分二次溫服其脉卽來

香薷散 治臟腑冷熱不調飲食不節或食腥鱉生冷過度或起居不節或露卧濕地或當風取涼而

風冷之氣歸於三焦傳於脾胃脾胃得冷不能消化水穀致令真邪相干腸胃虛弱因飲食變亂於腸胃之間便至吐利心腹疼痛霍亂氣逆有先心痛而吐者或先腹痛而利者有吐利俱發者有發熱頭痛體疼而後吐利虛煩者或但吐利心腹刺痛者或轉筋拘急疼痛者或但嘔而無物出者或四肢逆冷脉微欲絕者或煩悶昏塞欲死者姪婦霍亂吐利此藥悉能主之

香薷葉

肆兩

白匾荳

厚朴

各貳兩

右㕮咀每眼半兩水壹大盞酒壹分慢火濃煎至

六分去滓井中浸令冰冷頓服無時候連併二三服立見神効蘇沈良方中名香薷散
百問同有黃連無扁豆訶子散治老幼霍亂吐利一服取効又治九種心痛及心脾冷痛不可忍

訶子皮

甘草

厚朴

乾薑

草果仁

陳皮

良薑

茯苓

神麴

麥門冬各等分

右爲細末每服貳錢候發刺痛不可忍用冰壹盞煎七分入鹽服急煎鹽點

胡椒湯 治霍亂吐利甚妙

胡椒肆拾玖粒

菉豆壹百肆拾玖粒

右爲細末每服貳錢木瓜煎湯調下
補遺凡霍亂身熱脉浮洪而渴者此必胃有熱宜竹
茹湯吐止然後以五苓散不換金正氣散六和湯等
治之或若陽氣暴絕四肢逆冷脉微欲絕可用理中
湯理中丸治中湯之類甚者加附子如中暑霍亂吐
利嘗以香薷散入半夏少許用生薑自然汗搜藥劑
入銅跳炒乾再入好紅麴酒又搜潤藥又炒乾却入
水壹盞半煎七分去滓并中浸冷服效

翻胃吐食

薛病機云吐有三曰氣積寒也皆從三焦論之上焦
吐者從於氣氣者天之陽也其脈浮而洪食已暴吐
渴欲飲水大便燥結氣上衝胸發痛其治法常降氣
和中中焦吐者從於積者陰有陽食與氣相假爲積
而痛其脉浮而圓其證或先痛而後吐或吐而後作
痛治法當以小毒藥去其積檳榔木香行其氣下焦
吐者從于寒地之道也其脉沉而遲其證朝食暮吐
暮食朝吐小便清大便祕而不通治法當以毒藥通
其秘寒溫其寒氣太便漸通復以中焦藥和之不令

大便秘結而自愈也王太僕曰食不得入是有火也
食入反出是無火也又發明曰噎者六腑之所主陽
也氣也塞者五臟之所生陰也血也二者皆由陰中
伏火而作也劉宗厚先生曰若三焦傳化失常所致
主於氣也若血虧胃脘乾槁所致因於血也塞猶填
塞不通之義故發明有治幽門不通噎塞不使通幽
湯例蓋陽無陰不能通化陰之失位而陽伏其中傳
化不變而反上行矣故前證或由飲食起居七情虧
損脾胃痰飲停滯中氣不運當以補中益氣湯雜病
爲主若鬱結傷脾用歸脾湯雜病健忘加枳殼桔梗

怒傷肝用小柴胡湯傷寒少陽加梔苓參木附氣虛物用
六君子雜病虛勞加山梔枳殼氣血俱虛用八珍湯雜病入
物加山梔半夏若用行氣之藥胸膈痞悶用六君子
湯加山梔半夏若用行氣之藥胸膈痞悶用六君子
歸之類若過用香燥之劑而大便結燥用四物治參
术之類若飲食不能入用六君山梔吳茱萸治黃連
若食入而反出用六君炮薑白荳蔻黃連製吳茱萸
不實胸膈痞悶吞酸噉腐食反不化是爲脾胃虛寒
用東垣補真丸或八味丸雜病若發熱煩熱身惡風
寒腹畏熱食或手足俱冷胸滿腹脹是內真寒外假

熟用神效附子丸本條或八味丸大丸嘔吐善食喜飲冷水是爲有火嘔吐少食喜飲熱湯是爲無火當審其因而治之ノ一婦人患前證胸腹痞悶得去後或泄氣稍寬余曰此屬脾氣鬱結而虛弱也當調補柴胡山楂善不信乃別用一陳枳實黃連之類不應又用香燥破氣前證益甚形氣愈虛余用加味歸脾湯即本方加柴胡調治半載而痊ノ一婦人患前證胸脇脹悶或小腹不利或時作痛小便滯滯余曰此肝火血虛也當清肝火生肝血養脾土生肺金以余言爲迂別服和氣化痰等劑前證益劇虛證益起余用加味逍遙

散調經加味歸湯兼服尋愈ノ一婦人患吐痰甚多足常冷飲食少思余曰此肝脾鬱怒兼命門火衰不信另服化痰利氣之劑胸腹愈脹又服峻利諒導之劑余曰非其治也必變脾虛發腫之證急服金匱加減督氣丸度有可救不信反服沉香化氣等丸果發腫而歿

白朮散

治婦人翻胃吐食千金翼云不特治婦人

男子亦可服一斤以上爲妙

白朮土以米醋壹升燉土令赤入醋內浸令冷再燉再浸以醋乾爲度取壹兩研末乾薑炮

本草貢錢半

右爲細末每服一錢米飲調下甚者貳錢

白芷散

治婦人翻胃吐食

右用白芷壹兩切作片瓦上炒令黃爲細末用豬血三十支切片以沸湯泡各七次將血蘸藥喫七片如剩藥末留後次用

太倉丸 治脾胃虛弱不進飲食反胃嘔吐

白豆蔻

縮砂仁各貳兩

丁香壹兩

陳倉米壹升用黃土炒

米赤去土不用

右爲細末薑汁法丸梧子大每服六七十丸食後

淡薑湯下

青金丹 治嘔吐反胃等證每用參拾丸煎生薑陳皮湯吞下方見前

五苓散

治反胃發渴加半夏每四錢生薑五片煎

溫服方見傷寒渴

東垣補真丸

肉蓯蓉酒浸

葫蘆巴炒

附子炮去皮

陽起石煅

肉豆蔻麵裹

兔絲子淨洗酒浸蒸

川烏炮去皮

沉香

五味子各伍錢

鹿茸酒浸炒

巴戟去心

鍾乳粉各壹兩

右爲細末用羊腰子兩對治食法葱椒酒煮搗

爛入酒糊丸如梧子大每服七十丸空心米飲鹽湯任下

神妙附子丸治脾胃虛寒嘔吐或反胃膈噎
黑附子重壹兩肆伍錢端正底平尖圓壹枚灰火
炮皮裂入生薑自然汁內浸潤晒乾仍炮再入汁
浸潤仍晒再炮用盡薑汁半椀爲度却去皮臍末
之以人參膏和丸如黍米大每服數丸津唾嚥下
胃氣稍復飲食稍進投以溫補之劑

血膈

薛婦人血膈若氣逆而血滯用流氣飲臂病若恚怒而
血逆用小柴胡湯傷寒加山梔丹皮血虛用四物湯
通治參术柴胡山梔丹皮若鬱結而血傷用加味歸脾
能歸脾加皮兼加味逍遙結核肝虛不能生血用六君子
山梔升皮虛勞加歸芍胃虛不能生血用補中益氣湯雜病若
肝虛而不能藏血用補肝散兩脇痛如不應兼以六味
丸雜病若因肺虛用補中益氣湯如不應用六君
子加芍歸虛勞一婦人患前證胸膈痞悶余曰此屬脾
經血虛遂用四君加芍歸調補脾氣愈又因怒隸

兩脇痞悶頭目不清月經旬餘未竭用加味逍遙散
加釣藤治之復瘥一婦人患前證胸膈作痛面青
目劄小便頻數或時寒熱此肝氣滯而血凝先用失
笑散二服痛止又用加味道逍遙散而愈一婦人所
患同前泛用行氣破血之劑以致不起

牡丹煎 治婦人血脢

牡丹皮

苦參

貝母

去心

玄胡索

白芍藥

各等分爲細末

煉蜜丸梧子大每服拾五貳拾丸米飲吞下無時
抽刀散 治婦人血風血氣血脢等候方見血崩

鼻衄

夫婦人鼻衄者由傷動血氣所致也凡血氣調和
則循環表裏經絡潤則不散若勞傷損動因而生熱
氣逆流溢入於鼻者則成鼻衄也只有產後見衄者
不可治凡鼻衄雖多因熱而得此疾亦有因怒氣
而得之者曾治趙恭人鼻衄不止諸治不差召子治
之先用蘇合香丸四粒次用五苓散濃煎白茅花湯
調服卽止次用芎歸湯調理又有二富室男子鼻血
不止六脉洪數究竟云服丹藥太過遂用黃連黃芩
太黃爲末水煎服之愈亦可調眼 蔡前證若熱鬱於胃

經用犀角地黃湯若伏暑於內用黃連香薷飲若大怒血蓄于土用小柴胡湯若脾損不能攝血歸源用歸脾湯大凡雜證見血多因陰分鬱熱或內有所傷皆屬五志所動經曰諸見血身熱脉大者難治是火邪勝也身涼脉靜者易治是正氣復也仍與後證同用一婦人經素不調因怒衄血此肝火熾盛用加味小柴胡熟入血室加紅花即八物湯煎服三十餘劑經行如期
核八珍湯雜病虛勞煎服三十餘劑經行如常婦人鬱結而患崩漏用加味歸脾湯即歸脾加山梔丹皮煎服三十餘劑經行如常漸止飲食漸進用加味逍遙散元氣漸復寒熱漸止

後因怒仍衄寒熱往來用小柴胡湯太陽傷寒加芍歸丹皮而愈一婦人因勞衄血服涼血之劑更致便血或以血下爲順仍用治血余曰此因脾氣下陷而血從之當升補脾氣庶使血歸其經不信果血益甚余朝用補中益氣雜病勞倦各用加味歸脾而愈此證用寒涼止血不補脾肺而久者多矣

刺薊散 治婦人鼻衄血流不止

刺薊

貳兩

桑耳

亂髮灰

艾葉炒各壹兩

生地黃貳兩

蒲黃壹兩半

右爲細末每服貳錢粥飲調下無時

伏龍肝散 治男子婦人五臟結熱吐血衄血並皆

治之

伏龍肝

生地黃

各壹斤

竹茹

壹升

芍藥

黃芩

當歸

桂心

甘草

各貳

右㕮咀以水壹斗參升煮芍薈減參升內藥煮取

參升分爲三服千金方無桂心

百問有茅花湯以白茅花濃煎飲之立止

一方擣生白茅根取汁壹合飲之立止

又方 取生葱心塞鼻中卽定若因刺著并刀斧折

傷血不止者並用之立定

又方 取金底墨細研入鼻中

又方 取亂髮灰細研以竹管吹入鼻中立止

又方 取龍骨爲末吹入鼻中立止

四物湯加側柏生地黃治虛熱吐血甚效若脾經血虛須用四君加芩歸若脾經氣鬱須用歸脾湯若

肝腎虧損須用六味丸若氣血俱虛須用十全大

補湯

犀角地黃湯主熱鬱不解泛行經絡或流腸胃隨氣涌泄以致衄血吐血或爲便血並皆治之若實熱

則利小便而止



熾甚加炒黃芩若去血過多或肺脾之氣虧損不能攝血歸源者急用四君子湯懷抱鬱結者用歸脾湯

枇杷葉散治暑毒攻心衄血嘔血或吐瀉作渴黃連香薷飲亦可

卷之三

吐血

大婦人吐血者皆由臟腑傷損所致夫血者外行於經絡內榮於臟腑若傷損氣血經絡則血虛行失於常理氣逆者吐血又怒則氣逆甚則嘔血然憂思驚恐內傷氣逆上者皆吐血也

薛前證若脾經鬱熱

用犀角地黃湯脾胃伏暑用黃連香薷飲雜病心脾鬱熱用生地黃湯心氣耗損用茯苓補心湯肺氣勞傷用雞蘇散思慮傷脾用歸脾湯雜病暴怒肝火用加味小柴胡湯熱入血室久怒肝傷六味地黃丸雜病肺虛熱用麥門冬飲肝腎虛熱用六味地黃丸氣血虛

俱虛用十全大補湯經云肺朝百脉之氣肝統諸經之血必用甘溫之劑補其陽氣使血各歸其經如大吐血病毋論其脉急用獨參湯救之若潮熱咳嗽而而脉數者元氣虛而假熱之脉也皆由脾胃先損須用人參之類本草云人參治脾胃不足補中溫中濕脾肺中火東垣先生云脾胃虛者心火亢甚而乘土位肺氣受邪須用黃芪最多人參甘草次之脾胃一虛肺氣先絕故用黃芪以益皮毛而閉腠理嘗治氣血虛弱用十全大補最善若用寒涼止血胃氣反傷無不致禍一老婦每作先飲食不進或胸膈不快

或中脘作痛或大便作瀉或小便不利余以為肝脾之證用逍遙散加山梔茯神遠志木香而愈後鬱結吐紫血每作先倦怠煩熱以前藥加炒黑黃連參分吳茱萸分頓愈復因怒吐赤血甚多燥渴垂死此血脫也法當補氣乃用人參壹兩苓木當歸各參錢陳皮炮黑乾薑各貳錢炙甘艸木香各壹錢二劑頓止又用加味歸脾湯調理而痊一女子懷抱素鬚胸滿食少吐血面赤用六味丸及歸脾加山梔貝母芍藥而愈一婦人為哭母吐血咳嗽發熱盜汗經水不行此悲傷肺思傷脾朝服補中益氣湯雜病勞倦加

桔梗貝母知母各用歸脾湯吞六味丸而愈
鷄蘇散 治婦人吐血心煩昏悶

雞蘇葉

壹兩

阿膠

刺薊

生地黃

各壹兩

黃芪

麝羊角屑

茜根

甘草

各半兩

麥門冬

黃芩

當歸

伏龍肝

各半錢

右爲粗末每服四錢水壹盞薑叁片竹茹半雞子大煎至六分去滓溫服

又方 治婦人虛損氣逆吐血不止

雞蘇葉

各壹兩

當歸

右爲粗末每服四錢水壹盞煎六分去滓溫服
治婦人熱毒上攻吐血不止

生藕汁

半合

刺薊汁

合

生地黃汁

各叁兩

生薑汁

半合

白蜜

合

生大黃末

壹方寸七

地黃汁

半升

右煎地黃汁三兩沸調大黃末令勻分爲二服

藥性治熱毒
吐血有効

右煎地黃汁三兩沸調大黃末令勻分爲二服

壹方寸七

又方 伏龍肝研極細每服貳錢新汲水調下頻服
取効

又方 白茅根壹握長陸寸以水壹大盞煎七分去滓服

又方 桂心未水調方寸匕日夜可二十服

又方 生地黃參升阿膠貳兩炒蒲黃陸台以水五升煮取參升分三服子嘗治一人吐血診其脉肝部弦氣口濡此因怒極而得之遂用蘇合香丸和雞蘇丸服卽效養生必用方云凡吐血須煎乾薑甘草湯與服或四物理中湯亦可如此無不愈者服生地黃竹茹藕汁去生便遠

采脾湯 治虛勞吐血衄血下白汗出

出養生必用

甘草

白芍藥

黃耆

各壹兩

熟地黃參兩

右爲末每服四錢水酒各壹盞已上煎至七分去滓取清汁六分溫服食前子嘗治一女人年十九歲月經不行以藥通之遂妄行而嘔血諸藥不効察其人肥脈不大不小投以四生丸卽安又治一男子因飽低頭負重吐血諸藥無効亦投四生丸及青餅子卽安更不發嘔觀初虞世治吐血不喜用竹茹生地黃藕汁然亦不可拘泥此說如

陽乘於陰，血得熱則流散，經水沸溢，宜服涼藥以解之。太黃犀角生地黃生艾藕汁等，豈得無効？若陰乘於陽，所謂天寒地凍，水凝成冰，宜服溫藥以緩之。乾薑肉桂，豈能無功？學者更宜思之。

四生丸 療吐血。凡吐血，衄血，陽乘於陰，血熱妄行，宜服此藥。

生荷葉 生艾葉 生柏葉

生地黃 各等分

右爛研圓，如鷄子大，每服壹丸，水參盞煎，至壹盞去滓，溫服，無時候。

陳日華云：先公紹興初游福

溝靈石寺，主僧留飯食，將竟，侍者赴堂齋罷來侍立，見卓子不穩，急罄折穩之，舉首卽嘔血，蓋食飽，拗傷肺也。明年再到寺問，舊年嘔血者無恙否？主僧云：得四生丸服之，愈，自得此方，屢施有驗。

愚意前證，乃內熱暴甚，用之有効。若人病久本原不足，須補脾以滋化源，否則虛火上炎，金反受剋。

獲生

鮮荷葉

療熱甚嘔血者，以犀角地黃湯局方小三黃湯，以白茅根煎濃湯飲之，極妙。

犀角地黃湯 治內有瘀血，鼻衄，吐血，面黃，大便黑，芍藥半錢 生地黃半斤 牡丹皮去心，淨一兩

犀角屑

壹兩如無以川升麻代

右咬咀每服伍錢水煎服有熱如狂者加黃芩貳兩

青餅子 治咯血

青黛

杏仁

各壹兩華化方以壯蠟粉炒杏仁去皮尖壯蠟不用

右一處同研成膏熔黃蠟和作參拾餅子每服壹餅子用乾柿半箇夾定以濕紙裹煨令香同嚼粥飲下無時

乾薑甘草湯 若陰乘於陽心肺經寒而嘔血者宜服

甘草

乾薑

各半

右咬咀水煮頓服

局方理中湯亦妙

花藥石散

予嘗見一婦人苦此疾百藥不效以童

子小便和酒調下真花藥石散不數服而愈

烏金散

治吐血不已每服貳錢米飲下即催生丸神散方見後

濟生雞蘇散

治勞傷肺經唾中有血咽喉不利

雞蘇葉

黃芪

炒

生地黃

阿膠

炒

貝母

白茅根

各壹錢

桔梗

炒

麥門冬

去心

蒲黃

炒

甘草

炙各伍分

右薑水煎服

生地黃散 治鬱熱動血咯血吐血陰虛而不能愈者

枸杞子

柴胡

黃連

炒

地骨皮

天門冬

去心

白芍藥

甘草

黃芩

炒

生地黃

熟地黃

自製各伍分

右水煎服 下血加地榆

三因茯苓補心湯 治面色蒼悴五心煩熱咳嗽吐

半夏

前胡

紫蘇

茯苓

人參

枳殼

麸炒各伍分

桔梗

甘草

乾葛

各伍分

當歸

川芎

陳皮

白芍藥

各壹錢

熟地黃

自製壹錢半

麥門冬

去心

黃芪

炒各壹錢半

右薑棗水煎服

杵拾

麥門冬

去心

黃芪

壹錢半

當歸身

人參



生地黃

各半錢

右水煎服

十全大補湯 治胃氣虛弱吐血衄血便血不止以致外證惡寒發熱自汗盜汗食少體倦或寒熱作渴頭疼眩暉而似中風或氣血俱虛胸腹脇痛或骨節作痛經候不調或寒熱往來發熱晡熱或五心發熱咽乾舌燥或痰嗽喘促胸膈虛痞或嘔吐泄瀉手足冷熱等證

方見雜病
虛勞門



Kitasato Memorial Medical Library